

Mbanjfuzhih:

Mbanjyauz Cien Bi Vwnzva Lauxgeq

福溪村：千年瑶寨文化古村

□ Dangz Lijvwnz



▲ Giuzfuk yaemyieng soengz yang doengh.



▲ Aenranz ciuq dieg guh ndaej giuj.

◀ Ranz gaeuq ciennding gang vax aen daeb aen.



▲ Baihndaw Miuzbaksaeu.

Mbanjfuzhih dwg aen Mbanjyauz gaeuqgeq vwnzva lizsij gyaenanz ndeu, gizneix miz Guengsae raeuz aen miuhbaksaeu dog mbouj yung h saek diuz ding doqbaenz ndeu, gij rindidrag geizheih yinxvunz, aen giuzfuk yaemyieng doz miz vwnzva giuzluengq Lingnamz rimmwd, aen ranzgangjhag Couh Dunhyiz boux cauhnduj lijyoz Ciuhsung caeuq gij ranzyouq lwglan de youq haenx…… Ranzcaep, rindeu, rindaeb doenghgi neix ndawde yienh'ok le gij daegcwng vwnzva Ciuhsung caeuq dinfwngz conzdungj de.

Mbanjfuzhih dieg youq Cauz-dungh Cin Fuconh Yauzcuuz Swciyen, liz yienhsingz Fuconh 40 goengleix gya, dwg Mbanjyauz Fuconh aen mbanj gaeuq Dangz Sung ndeu, depgyawj diuz roengaeuq gvangq youh bingz doeng seiqlengq Ciuhcinzhan guh. Gizneix mwh Bwzsung seiz couh miz vunz senj daeuj youq, daengz Nanzsung seiz hwnghoengh, seiz Mingz Cingh ceiq lai, daengz seizneix baenz le aen mbanj hung miz 1600 lai gyauejvunz ndeu. Aenmbanj seiq mbiengj goengqbya hophumx, baenz caengz baenz caengz heu-swdswd mwncupcup lumj gaiqgekveh sengcingz gyaundeis nei; diuz dahlajdeih ndeu youq gizneix bauq raemx hwnjdaeuq mbouj dingz mbouj duenh, gyoebbaenz diuz rij raemx sawyau yawj raen daej ndeu lae gvaq gyang mbanj. Ndaw mbanj miz gij laeuzdohung coengcug gwnz liengz deu va gwnz ciengz veh veh haenx 13 aen, ranzgaeuq fungkek daegbied haenx aen dem aen baizlele youq song henz roenbenjrin; ndaw laeuzdohung ndaw coengceiz, ndaw ranzyouq ndaw miuh, cungj baij venj miz gij mbawveh vah'ngaex, vagut, vamoiz cangnem ndaej gyaqciq gyaundeis haenx; cueng' va goemq-

dou deugaek baenz yiengh fuk luk gimyienz, goengbaed goengsaenz, diuzliengz yiemhranz gungingaeu deugaek baenz yiengh duzroeg goge, duzlungz duzfungh lai saek lwenqda; miz "ringoengdaek", "lozcoemhceij", "giuzfuk", "miuhbaksaeu" doenghgi rindeu dajcaep yienh'ok vwnzmingz haenx; lij miz daizheiq gaeuq, ranzsaew gaeuq, gaibenjrin, sigbei gaeuq doenghgi riz gaeuq ciuhgeq louzce roengzdaeuq neix dem. Miuhlingzhieh ndaw mbanj dwg aen miuh ciuhgeq louzce henhoh ndaej ceiq ndei ceiq hungloet ndeu, caemh dwg ndaw guk raeuz aen miuh donghsaeu faex gig noix raen, gaenq ndaej lied guh daengx guk cungdenj vwnzvuz henhoh danhvei.

Mbanjfuzhih daengx mbanj dwg youz diuz roen benjrin raez baenz 2 leix gya ndeu swnciepe hwnjdaeuq, cungqgyang aeu benjrin gvangq raez bu, song henz aeu benjrin seiqcingq raez cuengq daengj siengnyemh bu baenz, bingzbwd gvangqyub ndei-yawj; cungqgyang roenbenjrin rox-naeuz henz roen haujlai giz miz ndaekrin daengj hwnj, vunz ndaw mbanj heuhguh rindidrag; roenbenjrin ginggvaq vunzraeuz baenz cien bi byaij muz ndaej ngaenz-

ngubngub, mbanj giz gaenq hed mbanj baenz u, louz roengz rizgeq laeglwd. Gij ranzyouq song henz roenbenjrin dwg aeu ciennding vaxheu guhbaenz, mbanj najranz aeu rindiuz guh mbaeklae bu daengz bakdou, doufaex gaeuqgat baenz caengz baenz caengz yuphaeu, aenbouq aeu benjfaex gyoepbaenz, gviuhuq aeu daizcueng baij baenz, gij bouqdaeuhfouh, bouqsiulaeu, bouq-caqyouz, bouqnyumxbaengz, cing-guhceij, bouqdizdiet daengj bouq-gaeuq lij raen lw miz, moix giz moix yiengh, raemhred dwk geqnaeuz gij ronghlwenq gaxgonq. Baihnaj Miuhbaksaeu dwg dieghoengq, doiqnaj dwg daizheiq, moix daengz ngenzciet hung, cungj miz gij heiqduenz Heiqgvei, Heiqging, Heiqgiz daengj daeuj yienjheiq, gyoengq vunzlai henzgyawj caiqlj Huznanz Gyangh-yungj, Daucouh daengj dieg, cungj gyaenz daeuj gizneix yawj yienjheiq, doiq fwen, diuqfoux daengj, nauhyied raixcaix. Mbanjfuzhih aeu gij lijyoz vanzging yinzvwnz fungcingz daegbied, fungkek dajcaep daegsaek yienhda caeuq gizdieg gaeuqgeq caemdingh ndeiyaew de, baenz le aen lijyouzdenj lajmbanj cawjdaeuz Hocouh Si.



▲ Mbaeklae rindiuz yienj vunzmbanj gaenxgyaek.



▲ Laeuzdohung yiengh-vienh faex guh.



▲ Raemxrij sawyau lae gvaq gyang mbanj.



▲ Giuzfuk gizneix caeuq dieg wng mbouj doengz.



▲ Roenbenjrin luengqhongh.